

大正戊午二月印行

細野先生稿

千里必究
不許複製

尾張名家誌二編

東都書肆啓幹堂



序



曩者忠陳細野先生所著尾張

名家誌初編刊成既行于世久

矣今偶得其二編遺稿刻款

即行而公焉雖就先生自出

其卷頭曰此冊既為部

A280
ホ2
1-1

37064

集源耳能再三增換潤色
 刻不可從稿足必知其未定
 稿也讀志須要深諒之乃
 記一言而代存之
 大正七戊午立春

侃堂山本崇識

尾張名家誌二編目錄

卷之上

儒林

築瀬満昆

横井瀛洲

高木良篤

森川忠篤

遠山景同

淺野韋相

鷺見良熙

川口希逸

石作貞

角田明

下郷寛

伊東龜年

平岩元珍

渡邊禮

速水胤胤

加藤矩直

三村貢信

山田丸鐵

田中尚章

飯田晉

小谷虎

角田擴

千村貞智

小河寬

小川昇

野中國恒

福嶋昌言

安田宗章

鈴木永重

小池桓

山岡恭安

杉山惟敬

神谷直矩

神谷直格

高濱正立

奧田世文

餘延年

山口貴和

國學

吉見幸和

吉見幸混

松岡仲良

河村秀賴

河村秀俊

河村秀根

河村殷根

河村益根

神村正隣

石原正明

真野時綱

太田長好

富田睦臣

兵學

田邊長常

浦連也

左右田邦俊

近松茂矩

厚別名... 巨金

中山和清

天學

堀田世徳

水野和政

朝夷厚生

沙門

大枝

靈瑞

卓洲

惠仁

日潤

忠孝

夏女

孫八

曾與女

林左衛門

藤右衛門

卷之下

隱逸

内藤丈草

丹羽嘉言

横井金谷

岩本高標

醫術

浅井惟寅

浅井封

浅井翼

藤茂

三村季昆

櫻井廣

臨池

伊東公熙

橋本夏

橋本元昌

重松 驥

山田阿林

伊藤茂達

尾頭 備

林 皋

画圖

西村百春

山田宮常

張 行貞

山川 齊

僧 月僊

和歌

小澤蘆菴

田中道麻呂

加藤磯足

市岡猛彦

俳諧

坪井杜國

山本荷兮

夕道

城人

澤 露川

久村曉臺

榎本馬洲

橫井也有

井上士朗

金森桂五

谷 逸筆坊

狂歌

蘆辺田鶴丸

吉村寸齋

喫茶

河村曲全齋

山本自敬軒

二階堂升菴

高田太郎菴

流寓

石島 藝

賴 襄

大鹽後素

大窪 行

市川 匡

井川 貢

儒林拾遺

山村良由

人見 泰

追加

深田正韶

尾張名家誌二編卷之上

細野忠陳子高 稿

儒林

策瀨滿昆通稱董佐、號寒松堂、始從學小出侗齋、後
 入京遊淺見絢齋之門、受大月正義稱莊藏所錄講義
 而還、寬保辛酉十月四日歿、寬文十二年二月廿四日生享年
 七十、葬于城南養林寺、嘗表章管子弟子職、加考異
 上木、

横井時敏、字有功、號瀛洲、通稱猪右衛門、其先出自
 相模北條氏、我府世臣、世為鷹人、長食祿四百石、瀛

洲為人剛毅穎發從松平君山學其處世絕不同流俗寶曆辛巳二月十八日歿葬于城東大光寺君山題碑陰曰遙遙華陰維邦之楨文武傳業藻翰蜚聲不幸罹病迄開佳城遺德勒石千載罔傾

高木良篤後改守業號堅苦齋晚稱篤菴父號推之叟從芭蕉桃青學俳諧歌篤菴自幼聰慧好讀書從學小出侗齋其名高乎一時天明癸卯八月二十八日歿享年八十葬于城南大林寺

森川忠篤字尚臧號南堂又青溪熱田新田人幼而穎稟長有識量游京師受業於久米訂齋還鄉教授于府下安永戊戌七月九日歿享年七十二葬于城

南常德寺門人私謚曰文翁

遠山景同通稱猪之右衛門號寬齋本氏阿知波其父景慶出襲遠山氏寬齋致仕稱本氏云幼而受教于齋養齋其質魯其志猛養齋奇其清苦以女妻之平生與中村習齋友善晚著一書命曰愛宕山深秘之筐中臨歿遺囑贈之習齋其卷首有詠歌一首曰通志美豆母比我志遠美豆母和禮比等理多布等伎母能婆保迦通阿羅志奈編中旨趣不與習齋合者多焉天明癸卯九月十六日歿葬于城南東本立寺

淺野韋相字巨卿號青洲我尾府下處士也少而從

中西淡洲讀書與細井平洲友善為人溫恭不與物
忤然亦見人之不善則諄々忠告必使其人自悟而
後已是以人皆愛而畏敬焉比壯不欲祿仕業教授
傍善書遠近受筆法者殆八千人去天明壬寅官賞
其老能教人賜月俸時年已七十語人曰吾已不能
報吾父母與師矣今又加一息之終不可報焉嗚呼
可畏寬政壬子正月六日歿享年八十無子弟子相
與營葬之城東南常德寺

鷺見良熙字逸仲號東柯府下處士也父曰權右衛
門東柯弱冠好學師事中西淡洲遂以儒為業居恒
謂人曰士之立身行道何必遠於四方以文會友臭

蘭相接茅茨安於華屋布衣煖於文繡其復何求故
終身不仕又不出鄉日會弟子教授自娛安永丙申
八月十日歿享年五十六葬于城南正教寺臨絕賦
詩曰五十六年春夢中文章每說宣尼風晨鐘一破
人間夢化入寥天遊太空後又樹碑於城南東輪寺
川口希逸字子壽號乾城通稱幼而好學受業岡田
新川最善詩嘗遊于美濃養老山著泉志一編以辨
孝子菊水等之妄所著有臥遊園詩集斐然集希逸
子名

恭字子肅号謙齋通稱恭藏受
業於思田蕙樓寓居於伊勢津

石作貞字子幹通稱貞一郎號駒石甲斐武田氏臣
原政有傳人之後也世仕于信濃福島山村氏父曰

厚愷通稱喜其兄藤八郎坐事失祿厚愷幼而來于
府下育于其舅桑原重長家及長歸信濃又仕福島
性慷慨精兵法長武技室曆丁丑歿時駒石年十八
襲祿為近侍奉父遺訓專力兵法武技最精上杉氏兵法其
主山村氏長子蘓門子名良賢而好學愛駒石之為
人勸以讀書駒石始起志從鄉先生受四書句逗時
年十九云既而憂邑之師友明和丙戌春請適伊勢
桑名師事南宮大秋其主許之厚資以行駒石已悔
讀書之晚及從大湫日夜誦習忘寢食未幾學大進
戊子歲歸鄉邑子弟皆師敬焉安永丙申十月為留
主於尾府下朝宿邸山村氏尾張附屬之臣也勤職

十年邸內事大理有暇則出與府下諸名士以文會
與磯谷滄洲岡田新川交情最密其詩有莫逆編傳
至崎港清客讀而賞之為作跋蘓門子嗣為邑主久
之天明中福島多水害稻麥不登邑納有欠財用不
足主知駒石之有吏能舉而為司計駒石請曰是用
在節儉節儉所期在專償負主大奇其言盡任其所
為邑之富民納貸者相謂曰石作氏忠廉之士也而
我主委之以財計我豈可無助其功哉相偕請燒舊
券而改納貸於是用大足上下安悅主多駒石之功
賜室刀以列長臣自是駒石職務甚劇然文辭不廢
少間即會群子弟課其業駒石為人嚴毅及學成温

恭接物居恒謂曰詩文足言志而已學者唯斂誦聖
經以孝悌忠信為行足矣寬政甲寅加祿秩以為室
老乙卯秋喪其母駒石性多病及其居憂衰毀骨立
然而服除則強起視事不敢廢機務丙辰春病日篤
主大憂之與其嗣子偕親造其家視之正月十四日
竟不起享年五十七葬于福島驛興禪寺所著有翠
山樓集勸學言志編等

角田明字公熙通稱市左衛門號青溪江戶人師事
宇佐美瀟水名惠字資稟敏疾多所自樹者矣又善
書其書楷行並適後仕我府為新番以文事屢侍左
右天明戊申四月二十四日歿于江戶葬于青山久

青山久保街梅窓院所著有尚書異同毛詩異同老
子異同經子說墨隱稿業行于世

下鄉寬字君栗通稱次郎八號學海又菴苔園愛智
郡鳴海村人也世富豪家號千代倉為人真率嗜酒
家事巨細不一關心親朋尋至則必留連宴樂偶市
河鶴鳴名匡字來游于尾張學海乃迎之家執弟子
之禮日夜問難決疑其學大進最長詩寬政庚戌八
月歿享年四十九

伊東龜年通稱金藏號藍田又天游館江戶人受業
于菽生金谷名道棟字學成教授生徒宝曆以降菽
生家門人莫存于世矣故人呼曰徂徠學巨匠中年

仕于尾張為儒員尋遷新番後坐事失祿文化己巳
四月二日歿于江戶享年六十六葬于駒江吉祥寺
中洞泉寺所著有歷代通紀藍田文集論語韓文公
筆解考湯武論西遊紀行徂徠學則附錄標註所校
有文章軌範及續心賦考註

平岩元珍字子重稱十右衛門尾張世臣自幼好讀
書勉彊不倦初受學於須賀氏精齋或亮後入於中

村氏習齋之門嘗以為聖人之教禮樂為本後世學
者徒講禮而不習樂可謂闕矣乃考究音律學伎於

伶官宮原順秋於分給其秋其半絲管皆臻其妙文化十
年奉職在江戶適順秋子文秋來江戶子重又就肆

其業樂家有三秘曲所謂蕪合香萬秋樂春鶯轉也
而非其人則不傳焉子受嘗受蕪合香於順秋又受
萬秋樂及春鶯轉於文秋盡極其蘊奧云所著有鳴
鳳要略樂記集說移易新書語樂集樂論辨論變嬰
諸說五調全圖古調溯洄刪正集樂名考餘律呂示
蒙三只拍子說音政通論靖獻遺言師說家訓百人
一首本朝群書治要遷齋手簡講餘齋談吟藝錄忘
形見盡徹錄附錄放遠錄養生方等

渡邊禮通稱禮治號方壺江戶人初奉親鸞宗之教
既而歸儒貧窶甚時聞山村氏蘇門好學愛士來于
歧嶼山村氏召見而奇其才賜俸優待之於是一時

倉然稱之。受業者多，其為人豪放不羈，飲酒無度，好罵辱人，又自誇其所能，其學據物徂徠之說，然經義非其所長也。唯頗善詩耳。文政中，偶遊伊勢，既而聞山村氏疾病，曰：吾匪醫也，徃亦何為？既而訃至，乃又曰：吾非僧也，徃亦何為？遂不問疾，不奔喪，人薄其為人。山村氏彌亦責讓之，方壺失岨人之歡，遂去歸于江戸。時年六十餘，不詳其所終。

速水氏胤，通稱清次郎，號鼎齋。受業於須賀精齋之門，崇信淺見氏之學。又受神道於吉見氏，得其印度教門人以二家之訓云。享保十一年丙午五月十九日生，安永七年戊戌十一月十日歿，享年五十三。葬

于城東南暎寺久遠寺。

加島矩直，通稱莊右衛門，薙髮曰宗叔。美濃岐阜人，住于京師，為人跌蕩好酒，家初甚富，後不幸失產，而毫無憂色，事母孝，其所欲無不供給焉，而不使之知。貧受於岡龍洲銘伯之門，業成從游頗多，其說經雜取諸家，其說適己意，則擊節賞歎，極尊崇之，若不適己意，則誣罔唾罵，無所不至矣。龍洲性褊急，有時躁怒，家人不能制，而遇宗叔必折云。

三村貢信，字子金，信濃岐岨人，世仕山村氏，為給人職，名為人聰敏穎達，才識絕倫，受業於秦滄浪，如其詩歌文章，則駒石等為避三舍云。但好酒使氣，不事

事中年致仕恣其所為大言自負無所不至矣後遂去鄉浪遊于四方不知所終云

山田九鐵通稱仁三郎幼而讀書一過成誦及長善屬文又巧書殊喜釋氏之書旦暮研尋略有所通資

性溫純事親孝謹能安貧其感懷一律云一畝之宮環堵室適逢閑暇喜平居知歸還廢儒家典厭苦偶

聞釋氏書聊愛孤眠肱當枕豫貪百味食無魚清風何堪義皇上將向西方乘寶車天保乙未四月歿享

年四十一所著有感懷錄藏于家田中尚章字白圭通稱莊藏號松侗從學于小出侗

齋

西河翼字黎猷通稱金右衛門號九松海西郡福田鄉農家

菅洞雲氏菅原號梅宇始仕尾張致仕歸于京師坂克字謙貞號頤軒受學於林鸞峰

飯田晉字子晉稱周命號高嶺又懸羅館通稱宇右衛門受業中西淡淵

小谷虎字子炳號龍沼通稱清藏受學於林祭酒角田擴字子充號方文通稱和七青溪之族也

千村貞智通稱貞右衛門號是水居士父曰良好通稱新十郎刑部少輔政直第三子貞智善詩而不全終平右工門良重弟也

小河寬字仲栗號天門肥前長崎人從學于中西淡

淵

或曰天門不住于我府因為淡淵門人或有人來于府下而已

小河鼎通稱善大夫仲粟子也從學于細井平洲

野中國恒通稱彦右衛門號坦軒受學於林祭酒

福島昌言字應詢通稱源五右衛門號鶴渚又稱華

陽洞主

安田宗章通稱忠兵衛號臧軒

鈴木永重字子尊號積石松平君山門人

小池桓字南齋通稱奧左衛門號崑岡又子圭居號

紫蘭亭犬山藩臣

山岡恭安字未詳本藩人也而移居于伊勢所著本艸

正々譎

杉山惟敬稱玄洞從學于松平君山所著有本艸正

々譎刊誤

神谷直矩字頑廉通稱丈大夫號南澗又糶石又磴

齋從學于松平君山所著有肥陽誅賊記

神谷直格字寸青號總逸糶石之子十六歲大

高濱正立字伯階通稱外記號錦江

奧田世文字仲猷通稱周之進有文才善詞章詩長

於七言歌行長篇絕句則非所長矣文祖王元美嘗

就四部稿中抄寫適意之文為二十卷自加評語又

手寫汪道昆太函集全部漢書全部皆加評語其餘

所手自寫者尚多皆加評語嘗遊京師訪一名家將

求題限一日而作七律百首不得機會而止但平生負才放逸使酒遂罹病而逝

餘延年族山口餘其氏也字千秋號墨山又魯臺通稱九郎右衛門智多郡大高村人也少而好文雅善繪事學墨蘭於增山侯又從久村曉臺習俳諧歌殊

以刻印著名其刻不屑世俗之體希思曠古聞駿之源孺皮高芙蓉名孟彪唱秦漢之體於京師往而師

之技益進及其歸也孺皮盖有禮樂皆東之歎焉於是名播四方齎金石珠玉采而求刻者歲數百人嘗

刻一印致諸京師請正於孺皮々々與書曰刻雖精工未免俗體其生平所嗜者無乃倍乎墨山答以好

能諧歌芙蓉乃禁止之自是頓脫俗氣去文政己卯

四月歿享年七十五

山口貴和字士春號耕軒通稱和一郎墨山之子也初從石川香山而學後如大阪師事中井竹山名積

對去而之江戶從學於林蕉軒既而還鄉國相志水氏聞其名召見入士籍天保丁酉歿

國學

吉見幸和號恭軒又風水翁又囊玄子世為東照宮祠官恭軒幼而聰慧弱冠遊京師學儒於淺見綱齋

名安學神道於玉木葦齋名正後介葦齋執贄于正

親町公通鄉之門、中年改歸于伊勢、後又成一家、
傍學甲州流兵法於都丸、某直隸、服人部得其印、可又
受刀術於柳生氏、究其奧、當時恭軒所論辨之、言傳
去、又善和歌、最喜古風、年八十、至于浪華、見釋契冲、
請為弟子、契冲固辭、恭軒自取歌案而進、請師即席
而講、一書契冲大喜其篤志、為講一書、且以其所著
之書、盡附與之、恭軒汎濫諸家、博綜群籍、晁研確本
邦典故、且至乎古今、裨官民間歌謠、無不談覽、家有
珍書數萬卷、乃請官營書庫於宅內、以貯之、嘗曰、珠
玉金帛、積為丘隴、亦徒為子孫爭階耳、自我視之、鼠
壤餘蔬也、何足惜也、如吾家藏書、則皆所廣搜、遠求

之珍篇、且所自著之冊、盡數十年之力者、一朝或有
遭祝融之崇、眩筐之難、豈非可惜之甚乎、千村諸成
等為之記、賀其事、才名遂達、天聽特叙正四位下、
任左京大夫、寶曆十一年辛巳四月二十六日歿、享
年八十九、葬于城東先塋、所著有五部書說、辨宗廟
社稷問答、難雜事記、兩宮辨國字辨、增益辨、卜抄倍
解、溫泉紀行、風水集、增益辨、卜部、無、辨、計、書
吉見幸混、字伯盈、號虬洞、又龍門、稱大膳大夫、恭軒
之嗣子也、受學於松平君山、又精國學、不墮家聲、性
質直嚴整、寶曆癸未冬、患重痘、一夕將場、族人驚
懼、欲更招一醫、乞診察、幸混作色曰、卿等未知之乎、

渠與父爭財，訐官被刑，歲首上謁之，藉且富貴之家，
招之則疾行貧賤之，招之則不果，服渠藥而愈，不如
死，翌朝遂終，時十二月九日也，享年四十九，葬于先
塋之次。

松岡仲良，通稱多助，作太後改下總，號蓼藏舍，又號
混成靈社，尾張熱田祠官某庶子也，自幼好學，受業
於若林強齋，昭進學神道於吉見恭軒，得其印可，後
介恭軒入于玉木葦齋之門，葦齋薦之，正親町公通
卿之門，遂傳風水，水後著神道學則，見絕於葦齋，其
後為神祇官副吉田氏侍讀，近衛公及諸掾紳多師
之，仲良性讓挹，平居自韜晦，而令譽日隆，安永乙未

六月承九條關白尚實公之命，撰十種神寶傳，或云
世所傳等曲飛燕者，仲良綴其文。

河村秀穎，初名秀興，字君栗，氏藤原，通稱七郎，一作
即其先相模河村人，因族焉，高祖秀久，始仕于尾張。

曾祖秀政，為先手物頭，祖長秀，為國用人，父秀世，為
蓮胎夫人傳，娶鈴木氏，生君栗，寶曆辛未，君栗承家，
為先手物頭，遷目付，尋為黑門頭，擢小納戶頭，取勝
女公子京師，進班禮劔，既而以病歸藩，為小納戶，又
轉書物奉行，班並如故，為人質朴守正，篤志於國學，
於本邦典故，靡不究覽，家富至藏書數萬卷，乃營藏
書室，扁曰文會書庫，嘗云：藏書家往々唯知十襲秘

藏不敢借之人常以三癡為戒嗚呼有書而不緝閱則何與反故堆異哉予則不然不唯自誦讀而泛借有志之士以資其識也故有看之者即欣然出示毫無吝色奉命撰歷代徒刑考官賜銀賞之晚讀佛書通其玄義嘗使人寫其燕居像自題曰地水軒天明癸卯六月十六日歿享年六十六葬于城東南西蓮寺所著有日本紀撰者辨首書神祇令集解令備考樂壽筆叢君栗初娶林氏生二男四女長秀芳次某並夭長女適成瀨正休次適山村生續次適尾崎幸忠季未詳第三子秀俊安藤氏所生也承家襲祿河村秀俊字子德君栗第三子也承家為先手物頭

資性聰敏而遜悌文會書庫所藏書披讀粗遍又入于冷泉家之門學和歌所詠有數千首又學吹笛於豐氏寬政二年庚戌自江戶歸而罹疾三年辛亥三月二十三日歿享年三十一葬于先塋之側從兄乾堂銘碑陰銘曰我宗血脉惟余與爾爾有食祿余為處士爾乎早歿余猶無子庶幾訴天不絕祭祀初有妻生子曰貞藏夭後娶成瀨氏生一女於是養稻葉氏之子秀中為嗣以女妻之

河村秀根字君律通稱復太郎號葎庵君栗之弟也享保癸卯十月生為人質直嚴整有古人之風癸丑起家為慧運世子近侍尋遷章善公小納戶及公薨

就散官其為學博覽強記究心于本邦典故平居著述為業至老不倦其於和歌以為距古已遠矣規矩放失皆得之揣摩而不失古調之正路者獨有冷泉藤公不如就此人而學遂修贄執弟子禮從學有年矣盡得其秘又從豐原順秋習吹笙名大振寬政壬子六月逝享年七十所著有書紀集解續紀集解後紀補集解文德天皇實錄集解三代實錄集解古事記集解舊事記集解古語拾遺集解姓氏錄集解萬葉集々解律集解三代格集解令義解集解延喜式集解神宮儀式集解類聚國史考三朝鈔錄禁秘御抄集注職原補注公事根源集釋注名目抄解袂衣

入經葎庵詠藻字母纂等

河村殷根通稱豐三郎葎庵長子也寬延己巳九月生幼而有奇才侍父脩國學又從冷泉家民部卿習和歌又巧書善吹篳篥頗究其奧明和戊子六月病瘧天享年二十所著有河水問答洞水間吟殷根遺草

河村益根通稱培二初稱敏號乾堂葎庵次子也寶

曆丙子正月生幼而聰明不凡從學于岡田新川及長莊重敦實知見過人涉獵經史殊於國學無所不究旁善詩及和歌兼精書法又善篳篥凡有所學必潛心搜討不徹不休但惡宋人之學故於其說則不

問是非一切排斥之云嘗著論讀式以授塾生即直
讀解義之法也然其後莫有繼業者可勝惜哉寬政
壬子父葦庵歿乾堂當嗣然有故絕仕進之志以深
田氏之子政俊為葦庵嗣文政己卯十一月十一日
會於某氏之家席上親書所詠歌一首俄發病乘輿
而歸家明日遂歿享年六十四葬于先塋之次所著
有帝號通覽宰輔通覽載籍通覽姓氏通覽匣載歲
華詩料乾堂集益根詠草日本書紀注論讀式家塾
錄等

或記曰乾堂每歲遊京師傳和歌於播紳家在道
路日詠歌三十首許云

神村正隣通稱源助美濃岐阜人父曰永建母天野
氏正隣為人明敏謹厚孝友純至謙遜自牧欲然如
不足其接人清濁無所不容其於學孳々不倦自幼
好讀國史律令至稗官小說無不窮觀也寶曆乙亥
十一月召賜十口俸以為近侍屬吏先是有刻逸令
者正隣以為非當時全文也乃作逸令考以辨真偽
其引證典故確乎不可拔書成而獻之公國老美有
補于世賜金以賞之明和庚寅夏病動翌年五月十
一日歿享年四十四無嗣家絕正隣初有志于私脩
國史志業未遂而逝所著有禁秘鈔考證神代秘解
名備考關市令考等

石原正明通稱喜左衛門海西郡神守村里正也博
達記錄有職又善和歌所詠有一萬餘首嘗赴江戶
遊塙保已一之門與群書類從編纂之事又從歷遊
諸國保肥代詠歌者多文政中歿所著有百人一首抄
辛酉隨筆元上下二卷享和

真野時綱本氏藤波通稱縫殿助津島天王祠神職
也夙好讀書從學于松下見林精通神道所著有神
學類篇百卷神國類聚篇類聚祭物篇類聚神階篇類
聚詩院篇類聚神道篇津島祭祀神家常談等

時綱門人有宇都宮兵助善画

太田長好字東作號宜春肥前長崎人其先出源三

位賴政宜春少而來尾張遂家焉為人篤實溫潤修
學神道傍善曆學醫術又喜作詩然不以格律為意
只取抒暢性情而已性多病享保癸卯二月歿

富田畦臣字子總號大里別號梓軒又竹莊通稱與
右衛門本族大橋父曰定彦畝院為母富田氏年

十七始謁明公時從母芳崎奉仕為後閣長富田氏
有故家絕芳崎乃養大里奉先祀故昌富田氏以從
母蔭為小十人組賜廩米五十九苞後有脚疾辭職
為小普請組為人淳謹自幼好學善和歌初受兵學
於其父後以此教授門人至老不倦著述頗多文政
十一年某月十六日得疾寢食尚如常翌月二日盥

漱禮拜安席而終享年七十三

兵學

田邊長常氏藤原通稱八左衛門其先丹後田邊城主也長常學槍術於虎尾三安齋尾和改技名曰行覺流慶長大坂之役屬城兵而有功後仕於尾張賜祿千石時加賀侯前田氏好武求士欲得長常而臣之以祿三千石請之藩教矣長常固辭不就世人稱其志操寬文甲辰七月十三日歿享年八十七嗣子常之一作元通稱四郎右衛門善繼父業敬正二公師之子孫相承傳其術於公其門多出有名之士云

浦連也初稱島新六後改稱兵助又改稱兵庫本族

柳生父曰利巖通稱後改稱妖大和人以刀術仕尾張敬

公殊善遇之以為世子瑞龍之師利巖有三子長曰

新左衛門為敬公近侍寬永十四年戰死於肥前島

原之役次曰茂左衛門承家繼業次郎連也也連也

特妙刀術門人甚眾初賜祿六百石有故辭之後賜

月俸百人口又賜第於城南大津街於是作假山子

其庭前門人負土擔石趨走爭先不日而成其景色

冠乎藩中瑞龍圓覺二公教臨宴遊去元祿七年甲

戌十月十一日歿遺囑火其屍不營墓終身不娶無

嗣家絕

左右田邦俊通稱武佐一作號水哉仕尾張為人魁岸從八田智義得刀術秘訣賊昭而既而其技逾乎師於是聲名藉甚受業者甚眾一日門人面三人請試技水哉乃濡筆鋒執以當之門人欲僇力敵之而不能皆被點汚其面云享保己酉五月歿享年六十

六、近松茂矩通稱彦之進號南山子又丁牧居號鍊兵堂又琴舍尾張世臣受神道於吉見恭軒幸和又學兵法安永七年戊戌二月十七日歿葬于城西本龍寺所著有昔咄神武初學須知二卷同附一卷中山和清初名清寬字任夫初字容通稱七大夫號訓

練又後凋軒世仕尾張其先出自清和帝之裔左兵衛佐長口能父曰清幸母高木氏明和乙酉正月生初其母在草之日有物鉤于南庭梅樹就視之則衽衣也舉家以為瑞既而生訓練訓練幼而岐嶷舉止如成人年甫七歲聽演史於城南真福寺中終日不倦歸對父母曲語其顛末無有遺忘八歲學書於淺野青洲名韋略悟筆法乃慨然歎曰大丈夫豈藉筆硯而成名耶自是銳思于文武然家貧不能買書常以為憾時河村君栗家富多書深奇訓練勉學盡出其書以貸之於是訓練得博涉群書君栗語人曰中山氏之子志操介立他日必有所成焉不可以常

兒遇也。年十五，丁父憂，哭泣盡禮，服闋，繼家襲祿，為馬廻組，擢近侍，寵遇踰他。既而扈從公到江戶，居數月，為白世子小姓，屢從朝大府，進退踐禮，為等輩所儀表。市谷邸有古厠，相傳上者屢遇妖怪，後無復上者。訓練當直之夜，談偶及其事，衆坐不寒而栗。訓練曰：邸中無寸地，非我公之有，狐狸安能占居？願必虛誕也。請為諸君往驗之。衆止之不肯。徐々向厠，時夜已深，廊廡闇昧，聞無人，良久而出，果無有異矣。性忠直，世子有過失，則進諫之，義不苟合。世子亦常嘉納。左右或有訾毀其所為者，訓練斷然不省焉。既而謝病西歸，罷職為寄舍。時年二十一。先是近松南海深

究長沼氏兵法，誘掖後進，又興起一全流練兵傳訓。練夙信之，從學有日，然公務鞅掌，未能得其奧。於是慨然絕意於官途，欲一果其素志。而南海已歿，乃從其嗣子茂武，朝暮操練，不遺餘力。舞劍揮槍之譽，以出藍稱。茂武無子，養某氏子為嗣。一日執秘卷授訓，練曰：子業勝我兒遠矣。他日昌大斯道者，必子也。吾歿後，彼若可輔輔之，如其不才，子可自任。因亦謂其子，汝能事中山子，而惟其言之聽，則吾死不憾。其為師所信任如此，而其兵法則學於南海高足鈴木碩甫，勤苦十數年，遂傳奧妙。其餘弓馬銃砲之術，靡不歷涉。文化甲子，詣官開教場，別構一堂于後庭，以為

講文武之處於是令聞稍興遠近之士競受其教者
日甚一日及晚其名愈顯諸侯大夫殷勤修書委贄
門下者甚夥矣寬政戊午官褒賜白銀數枚有監蠻
船之命先是蠻夷舶佯為漂泊狼藉于南海者數矣
諸國為之騷然我知多郡師崎等亦不可無其備因
豫選文武之士以供其役後又歲賜白銀若干以給
其費文政乙酉以其精練故事調為使番格西方諸
侯赴江戶者路由藩境則奉命使于館舍者數次未
嘗辱專對之任眾以為得行人之體矣既而擢先手
物頭加賜祿五十石己丑十一月歿享年六十五所
著有性高公行實白世子別傳君臣言行錄尾藩私

天學

史禁殉有後集諸士略傳孝子略傳澹齋長沼君行
狀集成先師高第述黃帝握竒經辨解諸葛武侯八
陣圖石碩論後凋軒漫錄等皆藏于家

堀田世德字元進一號廣居城南廣井村人父曰

茂兵衛母三井氏廣居性聰敏精通天文象緯之學

兼善醫又工鐵術學之於勝田嘗著中星譜千村伯

就作之序曰初元進氏見訪余草廬觀其人貌不飾

而野口訥々如不能言予以為不足與謀者也及教

々相見頗有文理云々天明丙午十二月暴病歿享

年四十二

水野和政通稱太郎左衛門號鳧山住于城東鍋屋
陌世為鑄工鳧山少好天文律曆頗洞通其學有律
僧珂月者門善自京師來說佛曆於府下大駁渾天
說鳧山惡之與友人朝夷子往詰之珂月不能荅忽
乘夜逃去云文政庚寅三月歿

朝夷一作朝厚生字君和通稱甚三郎號如有子本

族井上父曰信豐通稱貞右衛門如有子其次子也

出為朝夷正明通稱與養子因昌其氏天資英邁才

氣不群少而好學而無常師既長自九流百家之書

至浮囫外國之說無所不窮矣最詳乎山經地志天

文曆法晚患耳聾遂絕他嗜好唯文史之娛歲八十
手不釋卷文政戊子十二月歿享年八十一所著有
佛圖考證同囫考同蘭說考崑崙考行于世

沙門

大枝號梅嶺不言鄉里氏族賦曰翫繼紳幼而在京

師就于台家之律師密受教諭偶聞禪宗勝於餘宗

聞万里關禪師在丹龍福寺徑趨而乞薙髮万里其

志切遂許之時年十歲夙夜不離師側後依師命來

尾張從事於靈鷲山鈍底和尚三年一夜鈍底自燃

手燈以視之梅嶺益憤發潛入于幽谷攝心定坐一

月餘忽然有省急詣方丈以陳其旨。鈍底屢詰問古
人確透之語。梅嶺應答如流。既而撥草擔風。敲乎諸
方。耆德之門。有年矣。美濃本覺寺。洞天和尚。示寂遺
書。迎梅嶺。於是始住職于此。時年三十六。乃與檀越
戮力。再建本堂。翌年二月。瑞世于能登。總持寺。未幾
移住于尾張城南永安寺。繼桃徽和尚。後又移住大
光院。寬政四年壬子冬。又移于萬松寺。六年甲寅六
月廿日。病革。作偈曰。六十六年。瞻瞪安禪。末後一句。
烏龜上天。咄。投筆胎然坐化。享年六十四。
靈瑞族田中春日井郡上原村人也。其先出自清
和帝皇子。負純親王。政實第三子。平兵衛實次。自遠

江井伊谷而從焉。靈瑞以元文庚申四月八日生。其
在母胎。母每夜夢蟠龍。驚愕不能寢。故小字曰龍之
進。靈瑞及長。亦數夢龍。故自號龍道人。幼而岐嶷。不
欲雌伏于畎畝之中。年十一。投于同郡志賀村靈源
寺。從物道和尚而剃髮。後遊學于江戶。年十九。寓于
泉岳寺。指揮雲衲。寬猛兼至。為學頭十四年。自儒佛
二典。以至諸子百家。無不涉獵。傍馳思文詞。從學于
服部南郭。一日據梧歎曰。諸佛出世之妙道。儒教仁
義之正意。豈在文字言句之間哉。夫學無常師。雖鑿
道舡師。皆以為吾道資。何止知識。何止經卷。於是周
流海內。十有餘年。夜則趺坐。脇不著席。凡三十六年。

弘道照化，鬱為當代之碩師。徃遊如雲，緇素景仰。與世之托不立文字，以藏拙立封畛，以競名利者，不可同年而論也。明和七年夏，下野宇都宮成高寺，岱潤和尚設大會，僧侶集者三百五十人，欲延靈瑞以為第一坐。躬自來獎勸之，靈瑞素欲隱遁，以終其身，不願假外飾以高世。聞之而弗屑，曰：「衣身之文也，身將隱矣，安用文之？」固辭之。岱潤不聽，還而復來。凡七反，靈瑞為其老，強忍而徃之，竟嗣其法焉。明年三月入京，詔許著黃衣，而寓東福寺，而說法於五畿之間矣。當是時，岱潤益老，岱潤本薩摩人，將歸而展其墳墓，使靈瑞徃行。薩人素聞靈瑞名，無貴賤咸來請益，既

歸安永八年，平田寺主寂遺書而屬寺於靈瑞，有司由是為檄以徵。靈瑞弗獲已，來而住于此。天明七年夏，助化於光音寺。近歲饑饉，荐臻穀價翔貴，餓莩相望。靈瑞傾囊買米以施焉。官賜銀以褒之。寬政四年，奉命移住于城南大光院。翌年移住于萬松寺。先是萬松寺禁行乞，及踰境說法，靈瑞以為此寺雖有食祿經費，亦稱之，非行乞則不足以給。隨徃大眾嚮四方，預來請助化者皆已許之矣。今而有違言，則彼必怨。是以聞官命依違不敢從。申請得允準，而後奉命去。萬松寺一月三次行乞市街，及寺主踰境說法，自靈瑞始。既而助化於長門萩城下享德寺，以暴疾寂。

時文化元年六月廿二日也年六十五所著有語錄及詩文集行于世

卓洲名胡僊海東郡津嶋人幼而薙染於城南總見寺從祥鳳禪師稍長飛錫四方西入京畿參叩天龍寺靈源禪師靈源愛其道器誘掖多年而靈源寂卓洲心喪甚謹後之江戶見峨山禪師峨山適避喧於永田山中卓洲乃捨果採薪以事之曝眼於諸經十有餘年遂究其蘊奧矣雖一時老宿不敢與之齒推尊為師寬政中中選主於總見寺既而德輝耀於海內從遊螳聚日夜誘掖孜孜怕々至老不倦導人常不用多言一言以服之或問曰余有好色之疾如何

除之卓洲對曰唯忍之而已無他術矣嘗有丐兒病死於寺門側有腐飯一器錢六文卓洲出而見之使弟子收其飯而進之自喫盡之其從峨山其母屢寄書卓洲受而不開緘投之一籠既而其書幾滿篋以為若開之則生戀故鄉之心而障於修習焉後示之雲衲以勵其志去天保癸巳八月廿六日寂年八十餘

惠仁字百非號默天府下善龍寺主也父曰惠紇百非幼而能守其業天資清雅尤善詩與君山笠澤等詩盟法契來徃唱和嘗與韓使贈答筆語其名重於叢林一時士俗欽其學德而歸依焉明和戊子五月

十一日化

日潤寶曆己卯生于城南大和街幼而育於族人中
島某家年甫九歲自請其父薙髮於城南妙任寺受
持法華又好儒典師事磯貝滄洲嘗賦詩百韻滄洲
目以神童少壯駐錫四方參謁諸老宿大得玄樞而
歸厥後住持於城西日比津村定德寺既而切起隱
遯之志遂讓跡於法嗣而結廬於寺外田畝之間獨
居自炊詠和歌以為娛至性溫粹不與物忤常慕元
政與日相之為人學行共擬焉遠近望風來訪者繩
屢不絕日潤隨人說法善導之有一士人問佛理日
潤曰佛理固非士之所急也故究之而無益矣不如

專習弓馬劍槍之技也嘗夜有盜入其廬日潤陰見
而呼之曰來吾將訓汝盜大畏悄然逃去寬政辛亥
招請不得辭住于京東滿願寺在鴨東無何辭而歸
于日比津村舊廬縱意山水與親友義故吟詠以暢
情者數十年年七十餘官命不得辭住持于甲斐身
延山久遠寺既而辭去歸于尾臨其去鄉民涕泣道
路而送之云天保戊戌化年八十

忠孝

夏女知多郡古見村農夫只右衛門之婢也只右少
而喪父比長得癡疾竟失田產奴婢皆散夏獨而不

去扶主母以養病子。既而衣食殆盡，主母憫夏厚喻使去，不可。又使其兄弟喻之，愈益不肯。曰：「初吾仕也，主家方富，今也不幸而貧，是吾命之薄也。吾豈以盛衰易節哉？日夜奔走，傭作以衣食。二主時或不得傭，則行乞道路，得食供之，已則敝葛不掩體，菜根不飽口，憔悴骨立，見者酸鼻而毫無恨色。欣夕事二主，三十年如一日也。事聞官，賜銀若干，以表其忠云。」

孫八，海東郡甚目寺村人。年甫十二，來府下，仕于書。商久兵衛家，旦暮竭力能致其身，毫不忤主人意。數十年如一日。事聞于官，惠賜尤厚。寬政甲寅四月歿。曾與女，海西郡鳥ヶ池村農夫善六之女也。善六喪

妻家極貧，曾與年四十餘，紡績養其父。國相志水氏聞而嘉之，除其租以表。事聞于公，有命賜金若干。善六好酒，出必醉歸，曾與常迎之途。一夕見其醉倒路傍，走反取蚊虻，張之其處，守視以徹明云。其事歷有小傳一卷行于世。


林左衛門中島郡一宮村馬隸也。家貧而善事父母。父曰茂左衛門，好飲殊甚。林左日所得錢十六文，以充酒價。自十五六歲至四十餘，無一日闕焉。其母不慈，惡林左，無故而笞之數矣。林左每柔色謝之。天明癸卯，官賞銀若干以旌云。

藤右衛門中島郡一宮村農夫子，家極貧。年甫八歲，

父携來府下使之仕藩士海部氏海部氏愛其為人
能過之比壯歸家事母孝及母老便溺頻數每夜起
三四度藤右必扶持之暑則驅蚊蚋寒則以身覆風
以為常云

尾張名家誌二編卷之上

B
0



28

12

1-1